

Sulle joka piät vaksineerata itteästi

# Hyvä tietää covid-19 vaksinasjuunista



Folkhälsomyndigheten

## Ennen vaksinasjuunia

Ennen vaksinasjuunia sie saat täyttää terveysilmoituksen missä sie ilmoitat jos sie

- olet vasta vaksineeranu itteästi, joko muula vaksiinila eli vaksiinila covid-19 vasthaan
- saat helpola verenvuotoa, jostaki syystä. Silti se mennee hyvin vaksineerata sinua, mutta se on hyvä tietää ette verenvuotoa mennee ehkäistä silloin kun saat piston
- olet reageeranu lujala alerkiala aiemphiin vaksinasjuunhiin.

## Näin vaksinasjuuni toimii

Siukkasysteri antaa sulle vaksiinin pruatala käsivarren päälipuolheen. Jos sie tarttet saa vaksinasjuunin kaks kertaa sie saat saman tyyppin vaksiinia molemilla kerroilla.

## Jälkhiin vaksinasjuunin

Kun sie olet vaksineeranu itteästi se ottaa vähhiinthään viikon ennen kun ruumis on rakentanu suojan covid-19 vasthaan. Riippuen mitä vaksiinia jota käytethään tartethaan vaihteleva määrä tuusia ette saa hyvän suojan.

Jälkhiin piston on tavalista ette on vähän arka paikka, punehtuu eli kutisee käsivarren yläpuolela. Jokkut saattavat saa lyhyaikasen feeberin, päänsärkyä ja ylheisen siukkatuntheen. Kaikki tämä on luonolinen reaksjuuni ruuhmiin imyynisuojusta. Symtoomit on useasti lievät ja menevät yli yhen päivän jälkhiin. Alerkiset reaksjuunit on hyvin epätavalisia.

Jos sie voit huonosti eli olet vaivoissa vaksinasjuunin jälkhiin sie piät kontaktata siukkahoitoa ette sinun symtoomit mennee tutkia, riippumatta jos net mennee liittää vaksinasjuunhiin eli ei.

## MIKSIS VAKSINASJUUNI?

Vaksinasjuuni covid-19 vasthaan saattaa suojata sinua ette tulla vakavasti sairhaaks. Se saattaa kans vähentää riskiä ette sie tartutat muita.

## KELLE TARJOTHAAN VAKSINASJUUNI?

Niille joilla on suuriin vaara tulla vakavasti sairhaaks tarjotahan ensiks vaksinasjuunin. Nykyhetkessä tarjotahan vaksinasjuuni covid-19 vasthaan henkilöille jotka on 18 vuotta eli vanheemat.

## COVID-19 VAKSINASJUUNI ON VAPAEHTONEN

Sulle joka haluat tietää lissää ennen päätösta löyät faktaa ja tietoja täältä:


- 1177.se
- folkhalsomyndigheten.se
- lakemedelsverket.se
- Läkemedelsupplysningen: 0771-46 70 10

## JATKA SUOJATA ITTEÄSTI JA MUITA

Sie joka olet vaksineeranu itteästi tarttet siltikki jatkaa seurata ohjeita ja estää tartunanleviämistä.

- Pysy kotona jos sulla on symtoomia.
- Piä distansia muihin ihmishiin.
- Pese käet useasti.

Siukkahoito pittää ilmottaa eppäiltyjä sivuvaikutuksia Läkemedelsverkethiin/Metesiinivirasthoon. Jos sie saat sivuvaikutuksia vaksinasjuunin jälkhiin sie saatat kans ilmottaa net itte [www.lakemedelsverket.se/rapportera](http://www.lakemedelsverket.se/rapportera).



Vaccination  
mot covid-19